

四庫全書

集部

欽定四庫全書

兩宋名賢小集卷一百九十五

宋 陳思 編

元 陳世隆 補

盧溪逸藁

王庭珪字民瞻安福人貢太學時方禁士人說詩庭珪吟咏自若政和間進士調茶陵丞忤部使者遂拂衣歸潭帥留之不得嘗著論極言招安大盜之害洪帥

李丞相綱竒其說未及用而去胡編修銓忤檜謫嶺表親交無敢通問庭珪獨往送以詩而語峻驚人有歐陽安永者上飛語告之檜怒令帥臣鞠坐以謗訕流夜郎夜郎帥長囚視之檜死許自便孝宗初召對詔曰粹然者儒凜有真節除國子主簿不留乾道間召對又不留踰年又召對內殿躅拜跪禮賜坐勞問庭珪固乞歸詔曰年九十而行義益固除直敷文閣所著有盧溪集易解六經講義論語講義庭珪學無

不通尤遽於易先時獄興郡守議收公掾汪涓奮曰  
王君剛介一紙書招之必至他掾變色自請提禁卒  
捕之至則哭入公家公談笑就逮家四壁立惟易解  
鐐篋中卒疑其貨也挈以去他日公嘆曰天厄吾書

夜歸西園獨步

清夜遊西園竹影亂秋月宵色湛虛明林光益竒絕人  
間睡方濃那知此時節坐觀象緯移領畧風煙別沆瀣  
洗天宇一飲醒毛髮氣與南山高青蒼助施設池塘収

綠淨星斗轉空濶微雲點太清須臾亦自滅明朝問此  
境勝處不可說却恐雞三號開門走車轍

遊貢遊洞

竄身楚西極竒曠窮歷況此古道旁橫天竦蒼壁何  
年始開鑿工如鬼鏡刻飛空數百丈突出如鯨額那知  
風雨時雲雷非窟宅事跡墮渺茫探討失圖籍豈無高  
世士於此煉金液不能久徘徊上馬空嘆息

江亭侯施倅醇翁阻水漲作詩寄之

夜雨漲溪碧天明望歸舟飛帆出木杪浩蕩兀中流洪  
崖仙人姿謂落滄海遊興盡却回棹待此霖潦收抱琴  
出竹迎倒披翠雲裘風濤正可久煙波生暮愁

送謝夢叟昆仲之湘江

蠟屐訪窮巷脂車戴曉星哦詩添些語望岳插清冥烽  
火連蠻徼樓船壯洞庭瀟湘多夜雨羨爾對牀聽

送客

東門楊柳陌車騎散林垆草綠古今道馬嘶長短亭人

歸天北闕使動斗南星送客何年了春蘋又滿汀

春日遊鵠湖山

風起羣木末花開兩壁香山深雲影變人靜鳥聲長紺

殿橫崖起飛泉噴玉光扣門僧出定彈指下禪牀

一作溪上

送行裝

送劉禹錫之官五羊

南海千山外東風幾驛催嶺頭梅雨歇旗尾瘴煙開蠻  
徼無塵起中原有使來時應問消息會向日邊回

郭教授南窗置酒觀競渡次坐客劉時舉韻

一飲徑一石此風誰敢陪日移林影轉船劈浪紋開銀  
燭自相映玉山何用推廣文官獨冷賴此酒盈杯

仙人春宴曲

高樓玉珮搖春風銀槽壓雨珍珠紅天留曉月十分魄  
飛光下照仙人宮瑤姬半醉搗鼉鼓綵鳳吹笙黃鶴舞  
雙成翠袖織藕絲麻姑行厨擗麟脯金盤燒蠟夜未央  
從妃進果蟠桃香坐上花開人未老他日重來花更好



三千年後忽相逢再約羣仙醉蓬島

觀駱元直經進江南形勢圖

異時漢網踈天討健兒馬啣江南草石頭重戍豈無兵  
將軍不識丹陽道至今戰骨埋秋霜傷心不忍問耆老  
龍蟠虎踞昔何雄赤壁濡須在眼中潯陽江水射蛟處  
旌旗拂天來向東矍矍塞川不敢下昔人曾此破曹公  
橫江九道波翻屋試請輕兵渡淮曲夜入長安人不知  
應見畫圖心已熟他日將軍按此圖鼓行而西如破竹

和劉美中尚書聽寶月彈桃源春曉

何年鑿源開混茫  
桃花兩片吹紅香  
煙消遠浦生微陽  
漁舟誤行溪水長  
溪回岸轉山隙光  
疑有絳闕仙人房  
居民爭出羅酒漿  
花間笑語音琅琅  
抱琴釋子眉髮蒼  
響泉韻磬鳴長廊  
能談往事悲孟嘗  
昔時臺沼今耕桑  
又如勇士赴敵場  
坐令遊子思故鄉  
清猿抱木號鴻荒  
孤吟劃見丹鳳翔  
曲終待月西南廂  
重調十指初不忙  
如見古畫秦衣裳  
春天百鳥爭頡頏  
桃源歸來今已忘

彈到落花空斷腸

題羅疇老家明妃辭漢圖

明妃辭漢出宮門，豐容靚飾朝至尊。至尊左右皆動色，  
明妃欲語復吞咽。三千蛾眉塞天闈，帝獨不識王昭君。  
顧影徘徊復良久，尚冀君王一回首。當時自倚絕世姿，  
不將賂結毛延壽。可憐朱網畫香車，却來遠嫁呼韓邪。  
不如歸州舊村女，三幅羅裙兩髻了。陌上花開大堤暖，  
細雨春風歸緩緩。寧從禁籞落風沙，長路漫漫碧雲斷。

忽看漢月臨氊裘  
淚濕彈絲錦臂鞬  
龍眠會作無聲句  
寫得當時一段愁

送李亭赴荆南辟

少年膽氣橫秋煙  
腰間橐具森龍泉  
出門萬里探虎穴  
錦帶雕鞍積雪洞  
庭木葉飛霜風將  
軍秉旄西擊戎  
旌旗戈甲照湖海  
櫓槍欲滅髦頭空  
須君磨盾作露布  
插羽來奏明光宮

麗人行

讀大業拾遺作

桃葉山前宮漏遲  
宮人傍輦持花枝  
君王喜憑絳仙立  
殿脚爭畫雙長眉  
欲把琵琶彈出塞  
結綺臨春時事改  
井邊忽見張麗華  
忍聽後庭歌一再

早行

羣雞鼓翼天欲光  
井上梧桐生微涼  
殘星爛爛或出沒  
初日淡淡開青蒼  
楚妃臺邊曉雲碧  
伏波廟前秋草黃  
騷人辛苦拾何物  
沅有芷兮今已香

和韻胡敦實少年行

酒酣坐待東方高，臂鷹走逐城南豪。  
彎弓射殺白額虎，醉騎歸馬雪花毛。  
日暮黃雲動天色，易水迷魂招不得。  
莫學并州遊俠兒，徒費黃金飾鞵勒。

題劉端禮步芳橋

橋上畫欄低壓水，青龍影落芙蓉底。  
欲渡芙蓉渠，望翠微波面紅雲映。  
屐齒洛浦清流古，有神羅襪凌波生。  
暗塵東昏戲作錦地茵，金蓮襯步如花人。  
而今此事墮渺莽，但有荷花開蕩漾。  
試穿茫屨踏風煙，安用紫絲連步障。

送向豐之

君家梁苑妙人物，羯末封胡咸勃窣。子今二十能綴文，  
詩如陣馬雄馳突。此去荆湖道路長，要吟秋水動三湘。  
歸時蕉葉應黃落，賸拾騷人春草香。

過劉美中新居

亂碧峰頭水拍堤，白沙寒竹淨柴扉。晨光破霧千山出，  
絕壁盤雲一鴈飛。窗外煙霞舒錦綺，坐中談笑落珠璣。  
江邊野老逢人說，待看追鋒入翠微。

題缺

湘水清如碧玉環  
湘妃淚染竹痕斑  
此時遊宦非高志  
何日抱琴歸故山  
鴈塔共題雙闕際  
馬蹄同下五雲間  
今朝顛顛荆湖外  
却望煙霄歎未還

別葛德裕主簿

官冷身閑簿領稀  
時從物外赴襟期  
憑君少緩青絲鞵  
為我聊傾碧玉卮  
野寺石泉秋煮茗  
松窗雪屋夜論詩  
懸知別後東風近  
先寄寒梅第一枝



金史四庫全書  
卷一百九十五  
和葛德裕別後用舊韻見寄

渝川咫尺杳如期  
雞黍猶堪勅婦炊  
旋滴銀槽將進酒  
細傾金屈倒垂卮  
閒為洛下諸生詠  
突過黃初數子詩

阿吉想能騎竹馬  
鳳雛低映碧梧枝

阿吉德裕子也

次韻江正邦

盧溪春水欲平堤  
湍徑蓬蒿竹掩扉  
齋館靜無塵土雜  
盤飧喜有藥苗肥  
君尋甘露峰前住  
人似山陰雪夜歸  
江海未應終寂寞  
鶴書將下釣璜磯

正邦聞王師來駐辭歸禾山次韻以別

潘才如海渺無堤肯顧衡茅竹裏扉閒釣一溪春水綠  
尚容三寸白魚肥忽傳銅虎天邊下共探驪珠夜半歸  
此去煙塵猶未靜何時馬跡破苔磯

送李成叔歸峽江兼簡蕭懋德

平生未見嵇中散野鶴軒昂識季昆江表今無耆舊在  
中郎尚有典刑存螺川汗灸書千卷玉澗船歸酒一樽  
獨羨冰清蕭處士通家能入李膺門

春日橫山堂有懷謝直夫用前韻

解道澄江元有聲  
東山出處更關情  
高吟正憶西堂夢  
妙語仍逢春草生  
沙尾斷蓬垂釣遠  
峯頭晚日落船明  
不將車騎驚猿鶴  
巖谷猶傳此段清

次韻黃元授見訪

中興人物起紛紛  
應有奇才合致君  
仰視孰為真漢相  
夜行何識故將軍  
且騎駿馬天邊路  
莫話高樓日暮雲  
年少功名方入手  
勒移休動北山文

次韻胡觀光長慶寺早起

曉天樓殿倚空虛尚見星辰落落疎  
鵲動高林人起後馬嘶殘月客行初  
偶來作尉聊驅盜豈謂論功得謗書  
但使一方無犬吠即看黃紙下新除

和曹溫如都監惠詩

兩脚虛隨匹馬塵江湖歲晚始謀身  
籬邊日醉陶元亮窗外夜呼祁孔賓  
倒著敝衣迎好客急搜竒句發陽春  
阿瞞豈但能橫槊文采風流世有人

二月二日出郊

日頭欲出未出時  
霧失江城兩脚微  
天忽作晴山卷幔  
雲猶含態石披衣  
煙村南北黃鸝語  
麥隴高低紫燕飛  
誰似田家知此樂  
呼兒吹笛跨牛歸

和劉端禮避地初歸見訪

庭前喜鵲亂棲鴉  
知有隣翁酒易賒  
老瓦盆隨田舍飲  
半溪雲入野人家  
莫將棘手迎西日  
來倚危欄詠落霞  
無奈醉歸燈火亂  
僕夫爭路向江沙

和裴主簿九日

欲上高高嶺路微  
踈林蔽日尚堪依  
楓江水冷天初靜  
桐井桑乾葉亂飛  
籬下採花人獨秀  
山頭落帽客何稀  
金壺倒盡重沽酒  
莫惜朝來更典衣

次韻楊廷秀求近詩

聞說學詩如學仙  
怪求詩思渺無邊  
自憐獨裏癡人骨  
豈意妄得麻姑鞭  
曾是千軍初入陣  
清于三峽夜流泉  
只今老鈍無新語  
楓落吳江恐誤傳

楊文發自長沙相別忽來權邑惠詩次其韻

公來權邑

官妓逃

亡略盡

湘水東邊喚渡舟，湘天欲暮使人愁。  
豈期陶令來為縣，應念龐公不入州。  
索我題詩今老矣，看君下筆幾時休。  
論文把酒誠堪樂，莫嘆樽前欠狄秋。

和劉喬卿雪詩

紫極真人吹簫雪降則止

柴門忽啟玉為闌，疑是新移海上山。  
野寺僧居銀窟裏，廣寒宮在月明間。  
老農擊鼓迎豐歲，紫極吹簫近帝寰。

臘後東風將解凍已看峰頂露孱顏

中夜起坐惜春亭月照醑醑清香郁然因成四韻  
袖手歸來避世塵醑醑坐對惜餘春靚粧不入市廛眼  
幽韻只應丘壑人醉喚江梅君益友力移亭竹我比隣  
天公著意憐詩客月色西窗一夜新

謁魏彥成郎中

病夫投老入城闈到處逢人說使君豈料騎驢衝大尹  
正須扛鼎識竒文池生春草何曾夢楓落吳江誤所聞



更願兼收湖海士當今冀北馬空羣

王主簿清暑閣

襜襜趨程作熱官何如避暑得清安  
輕陰畫出三湘境爽氣能為六月寒  
自有薰風生屋角不須纖手捧冰盤  
欄干半倚紅塵外卧聽江聲瀉碧湍

次韻常德府葛倅見寄

武陵旌節控湘西通守仍兼把一麾  
玉帳靜談千里月銅符遙鎮五溪夷  
漂流欲識荊州面飢渴正如桑下兒

仰止門牆訴羈旅窮愁那復有佳詞

贈李子安

窮居未有四立壁負郭無二頃田擬斲雲根結茅屋  
不知誰贈買山錢

和鄭元清同遊殷仲堪讀書臺

晉國衣冠掃地空漁歌長在水雲中倚欄欲問興亡事  
木末瑠璃墜曉風

次韻劉惠直梅花

雪壓寒梢玉作容  
嶺頭相見又東風  
人間欲問春消息  
半在竹橋溪影中

夜郎歸日答葛令惠詩

七載投荒萬里餘  
交遊半作曉星疎  
門前梅柳換新葉  
忽得故人相問書

贈寫真胡生

誤著儒衣到骨窮  
兒童拍手笑衰翁  
釣魚艇子今無恙  
置我五湖煙雨中

謁僧惠端不遇

僧扉深倚碧巖隈  
何處看雲久未回  
日暮鳴鐘應不語  
嗔人馬跡浣蒼苔

和答邦直

惠愛如蘭正吐芽  
芳風吹落幾千家  
明年催直金鑾殿  
龍口飄香看百花

和劉元弼見招

玉壺沽酒挈青絲  
及取春風花發時  
便把一樽留客醉

莫教紅雨洗殘枝

步芳園

密栽桃李礙車輪  
柳下風微不動塵  
已辨尋春蠟雙屐  
飛花滿地草如茵

茉莉花

纖雲抹盡日西流  
人在瑤池宴未休  
王母欲歸春滿路  
曉風吹下玉搔頭

兩宋名賢小集卷一百九十五

欽定四庫全書

兩宋名賢小集卷一百九十六

宋 陳思 編

元 陳世隆 補

林泉結契一

王質字景文號雪山鄆州人寓居興國軍紹興三十年進士孝宗朝為樞密院編修官出判荆南府奉祠山居有雪山集紹陶錄

山友辭

拖白練

身全白嘴微紅尾長尤鮮白聲清簡又有拖紅

練通體深紅

拖白練拖白練蒼翠陰中玉一片翻枝倒葉露微茫風  
動樹鳴忽不見穿向北穿向南山藤野蔓何能纏嗚呼  
此友兮可解顏溪山繚繞多林壑

青菜子

身青綠頭烏腦後一線細白泉圍之聲清急多  
苦吟又謂之碧蒿

青菜子青菜子林靜山空條驚耳閣中娟妙度清園東  
林吟罷西林起葉青青菜青青飛到山深聲轉清嗚呼  
此友兮相會心蕭騷野響住寒林

泥滑滑

身焦黃雜黑斑點如雞而小聲焦急多鳴則有  
陰雨在篁篠間故又號竹雞



泥滑滑泥滑滑林雨林風交颯颯蒼皮翠莢啄鮮香樹  
外行人何時歇山有菓山有蔬楓脂松膠香有餘嗚呼  
此友分慰所須野草山花滿地鋪

黃栗留

身黃而光鮮嘴紅而眉黑聲清圓善啄細青蟲  
如云動便不契你

黃栗留黃栗留寂寂冥冥傳聲幽桃花吹隨杏花起重  
疊春岡春樹稠耳聞之心蕭然花飛花落溪潺湲嗚呼

此友兮真忘言空山無人春亦寒

提壺蘆

身麻斑如鷄而小紫彎聲清重初稍緩已迺大

激烈

提壺蘆提壺蘆東呼西叫聲不孤荳蔻花繁葡萄踈野  
香野氣薰薰麤過相煩為我攜攢砂點漆光累累嗚呼  
此友分堅相期山樊亂葢霑皴皮

屈陸兒

身黑嘴足皆黃頭有鬚張翅有兩白團如球斂翅則隱如云鬼叫聲清急多傍人呈巧語

屈陸兒屈陸兒元無屈陸何呼為雜樹停陰雜花靜相招相喚無人知屈兮陸陸兮屈凌亂衝花花綵綵嗚呼此友兮莫相疑相伴空山深掩扉

山和尚

身灰褐而長脰嘴俱黑聲濁圓間若誦牟尼號者旋雜他聲

山和尚山和尚低叢之下高林上深飛擦動聲梢梢穠  
翠參差不能障不蘭若不招提丁丁啼罷還棲棲嗚呼  
此友兮堪同栖鮮枝潤葉漫蒼陂

啄木兒

身間黑白腹深紅又一種身間青黃腹白嘴如  
錐啄蠹自飽

啄木兒啄木兒壁壁剝剝尋幽期山樊深淨眠睡熟樹  
聲忽鳴林葉飛輕感感重督督山風槭槭聲漉漉嗚呼

此友兮誠相知  
樹林要深不要稀

蘄州鬼

身黑背足俱白聲清急別一聲不類蘄州鬼如

云奚秋背

蘄州鬼蘄州鬼江南淮北隔江水淮山巉巉深又深鬼  
哭狼頭險無比爾且鳴我且睡花草薰人令人醉嗚呼  
此友兮願相逢谷煙溪霧深重重

百舌兒

身黑、背足皆黃，他禽善鳴者，輒效之。俄頃作數種審聽，知其為皆此禽。

百舌兒、百舌兒，發口及時，莫過時。柳色花香，皆可掇林光。水光皆足，娛花治舌。柳治舌，吟咏山風，共山月嗚呼。此友兮，相追隨，樹嶺一聲春夢歸。

不如歸去

身灰褐，啼極則倒挂。春殘多啄紅苞，故吻如染血。秋深則化為鷄。

不如歸去不如歸去花稠草繁何不住春山春林煙景  
暮山花慘悽無意緒溪可飲林可啄鼓翅甘香且為樂  
嗚呼此友兮勿渝約月明滿野松毳落

山樂官

身全褐能作歌音又能作拍彈音如噲囉者聲  
清軟性極從容

山樂官山樂官自歌自和閒追歡杉風梧月都清圓松  
煙竹露仍團團林為篔簹溪為絃深山飛鳴相拍彈嗚呼

此友兮宜相諳樹香樹粉山穆穆

畫眉兒

身褐眉細長而烏嘴白形聲皆妍類百舌能雜音而此又能為歌舞

畫眉兒畫眉兒林下何須更畫眉莽莽蘿蔓迷東西聲高聲低聲總奇非真畫即真畫林刺藤梢時一挂嗚呼此友兮長相陪樹杪聲來樹欲飛

雪錢子



身白如飛流黃而大尾長頭上一點深黑極鮮  
未暮即栖見燈火即死又號見燈滅

雪錢子雪錢子非雪非錢但相似天清雲淨雪驚飛樹  
聲纔定溪聲起只愛雪不愛錢梨花影下月明前嗚呼  
此友兮豈相違重花沓葉戀山枝

白頭翁

身間青腦上一暈深團一點鮮白飛上下不橫  
斜又號打線子

白頭翁白頭翁咀嚼淺紫掐深紅樹枝翻翻超山狄樹  
葉駸駸雕山蟲不斜飛不倒挂一絲擲上一絲下嗚呼  
此友兮久相同半銜蘿月半杉風

漣餅焦

身褐聲焦急微清無調作三語初如云漣餅焦  
次云不與吃末云歸家無消息後兩聲若微於  
初聲

漣餅焦漣餅焦深山無草奚多勞青林窈冥卧輾轉綠

樹翁鬱飛逍遙脆枝弱枝強聞呼  
娵餅不聞香嗚呼  
此友兮頻相招暮煙漠漠風瀟瀟

脫却破袴

身褐立即無聲飛迺鳴雌雄相應  
先日脫却後  
隨曰破袴聲無間斷又如云燒香  
撥火稍急類  
脫却破袴

脫却破袴脫却破袴空潤溟濛濕  
交股層層山草雜山  
花刈獲衣裳總無數燒杉香燒楓  
香菌桂蔓椒紛衆芳

嗚呼此友兮  
毋吾踈寒巢  
幽夢頻相呼

郭公

身黑聲稍緩如呼  
郭公音頗重稍急且繁如呼  
布穀音頗清烈餘聲如呼  
郭婆

郭公郭公上田下田  
催野翁嬋媛蒼翠錯青紅  
汪汪活水聲交通  
蚤布穀蚤收穀稻花垂垂  
香撲撲嗚呼此友  
兮真相識麻坡苴坡晚陰濕

山鷓鴣

身青翅赤嘴黑足青如雞而小臆前有白團點  
背間有紫色赤毛多鳴即有雨稍緩則如云行  
不得哥哥

山鷓鴣山鷓鴣林深濃淡交榮枯鈎輞格磔半雲木  
山  
谷轉深聲轉孤沙易行泥難行蚤呼春暗回春明嗚呼  
此友兮同所歸石藤屢冒山人衣

兩宋名賢小集卷一百九十六

欽定四庫全書

兩宋名賢小集卷一百九十七

宋 陳思 編

元 陳世隆 補

林泉結契二

王質

水友辭

鴛鴦

身麻褐雜花點如鴨而小稍長夜傍灘岸雌雄  
交頸即成睡賦性好思

鴛鴦鴛鴦一雌一雄春水鄉惟爾所思在何方葡萄顏  
色桃花香溪南岸溪北岸且住中流莫相伴嗚呼此友  
兮堪同調煙淨波明影可照

鸕鶿

身雜色雌者白毛間黑花如鴨而小尾有毛如  
船柁夜停巖穴深棲聲清急

鷓鴣鷓鴣水花蕭疎並花立夜倚巖穴眠野香平穩溪  
山忘萃崱春水溫秋水寒歌岸側島陰巒巒嗚呼此友  
兮常相參虛舟橫渡人褰帘

翡翠兒

身粉青背上一縷濃翠背紅腹白如飛流黃而  
大小者為翠碧巢先極高後寢低恐墮其雛

翡翠兒翡翠兒幽林淨綠深依歸浮澗凝風香不動翻  
身一擲碎花飛總無矰總無弋波上沉浮沙上立嗚呼



此友兮宜相從晚瀨榜人收水功

鷺鷥

身全白頂上數縷纖毛如絲嘴足皆黑頸細長  
寡鳴將宿則多繁聲一種此鷺鷥稍大嘴足皆  
黃標格差低

鷺鷥鷺鷥三花兩花乾雪飛荷花淨紅葉淨碧輕來輕  
去掠寒霏或孤翔或旅立落日橫波孤影直嗚呼此友  
兮彌相敦水衰石老秋容深

江鷗

身全白觜足皆紅眉黑飛如鷄立如鴿聲微緩  
而清捕魚頗迅於鷺

江鷗江鷗茫茫萬波同一湫菰雨蒲風不自由浮世浮  
生爾更浮一寸白二寸白啄碎波紋聲漉漉嗚呼此友  
兮堪相邀石村沙市江煙遙

青椿

身青如鶩頸足皆長眉黑腹白觜紅聲差烈而

不清亦不迅捷故得橋名

青橋青橋橋孤影橫清江上磯下磯入江腹斜礙亂  
磧聲淙淙有如癡還不癡波動魚行皎皎知嗚呼此友  
兮喜同規渚蒲水荇秋風稀

野鴨兒

身麻褐間斑花如鴨而小亦與鴨同聲雄者頂  
翅微綠寒則聚他時稍稀

野鴨兒野鴨兒長蘆短葦風披披不寒不煖天與睡睡

足撲漉橫斜飛飛劃劃鳴婉婉菰蒲澎濤花欲晚嗚呼此  
友兮奚可闌斷岸歌樹連深山

紅鶴

身白如雞而大背上一路深褐自頭至尾不斷  
紫足皆黑紫微彎而長飛則色紅立則色白

紅鶴紅鶴東江飛度西江泊蕭蕭晚煙和夜霜寒魚沉  
波不可啄轉松根轉松梢孤聲不停魂夢搖嗚呼此友  
兮宜求與江天能復心相許

鷓鴣

身全黑眉白如鴨而頸極長能入水捕魚夜則棲林又號水老鴉卵生誤傳口吐

鷓鴣鷓鴣江煙渺渺波瀾瀾掠空欲下不肯下投深未飛俄急飛碧中食青中眠風吹亂聲譁滿川嗚呼此友兮良可嘉高紅低紫無乾花

魚鷹

身全黑背足皆黃如鷺而小空中視波間甚的

捷於他禽聲清烈

魚鷹魚鷹江空谷空同一聲風浪衝磯磯擦過波沸安  
能遮眼明忽飛上忽飛下碎玉橫斜口中掛嗚呼此友  
兮不厭多看看桑田生白波

淘河

身蒼白鬚足皆黑如青椿而大頤下有囊如拳  
可貯水極護其鬚淺深能令水涸魚露故號淘  
河又號湊澤

淘河淘河江文綵繚搖江莎岸邊岩石相蕩摩異音同  
流烝涉波東在梁西在梁縹風織霧無斜陽嗚呼此友  
兮相與永島影忽翻水聲併

鷓鴣

身淡青如鴨而足甚高故其行輕頂有冠多毛  
白細而長於樹極生雖稍長則銜其翅而學飛  
鷓鴣鷓鴣嗚咽秋水騷秋聲石樹鹹鹹崖岸傾踏蘋蹴  
藻輕輕行哺兒饑誨兒痴淋溼襪相挾飛嗚呼此友

兮常相存溪子通知魚鳥心

魚姑

身白間黑花背足皆黑而長如啄木傍淺水啄

細鱗多棲蘆葦間聲焦急

魚姑魚姑溪南溪北遙相呼煙深霧重棲不定荒荒秋  
漢秋星踈要姑活怕姑死姑且閒飛歇深沚嗚呼此友  
兮真足稱草平樹安波不興

魚燕子



身全黑腹麻花如燕而加俊聲清急並岸低飛  
捕小魚最捷

魚燕子魚燕子莖飴不下銀花紫荷香芰香溪清冷刷  
翰唳喋全無腥蒲槌黃菰臺黑波痕蕩搖渚花蝕嗚呼  
此友兮能相寬天生水資歡水賢

水鷺子

身灰褐間白斑花色如鴨而小不能入水沿岸  
啄魚蝦聲細急

水鶯子水鶯子不愛林花愛溪水春岸春莎翕習飛波  
動鬣搖翻身墜筩入淺罩入深東渚拋綸西拗罾嗚呼  
此友兮良相宜水光樹光韜暗輝

魚烏子

身全黑如鴉觜足皆黃晝傍水啄魚夜鳴雌雄  
相應如云嗚聒

魚烏子魚烏子相喚相挨撥風葦春莎濲子漸成鱗的  
樂眼光入波底啞草芽噀楊花勃勃春沫吹春莎嗚呼

此友兮宜接跡溪氣溪香午猶濕

科斗兒

身黑頭濶尾銳初邏藍成包藉物寄之多淺渚  
暗草發蟄則叢聒漸變為活東又變為蝦蟇其  
形始全

科斗兒科斗兒移移聿聿成攢嬉軟溫春水調春宜嗜  
深嗜淺隨高低傍春草栖春石莫向空中亂澄碧嗚呼  
此友兮良可觀羽葆鼓吹春風前

水鷓鴣

身間黑白似鵲而小尾長多巢軟荷育雛則寄  
菱葉弱弗長者寄搭水荷或暫立少久存聲如  
鷓而清婉

水鷓鴣水鷓鴣軟荷搭水身可泊高荷修莖難著脚一  
盤一窩足安樂窳有新甌有飯蘆人漁子事皆辦嗚呼  
此友兮宜相依溪風初定水香歸

寐卑子

身麻褐似鴨而小入水捕魚良捷且能久聲如  
野鴨多穴桑為巢

寐卑子寐卑子春菘秋蒲老煙水一銀飛上一銀飛斜  
景淨空光陸離戀桃花戀麥黃瓜蔓菘苗皆故鄉嗚呼  
此友兮宜同方江風吹子魚花香

兩宋名賢小集卷一百九十七

欽定四庫全書

兩宋名賢小集卷一百九十八

宋 陳思編

元 陳世隆補

林泉結契三

王質

山友續辭

枸杞

花紅紫實紅葉青春苗可食清甘人呼甜菜得  
名甚多最佳為仙人杖西王母杖

我取友兮得枸杞石陂花頭犬聲起霏霏細雨雜斜陽  
半濕半乾留春水仙人杖王母杖所思兮何可曠野鶯  
從患野花旺

黃精

花青白子白葉青春苗可食甘腴人呼筆菜根  
尤美生肥土或如柑瘠土小亦如橘多啖可飽

我取友兮得黃精竹葉荳花交野陰人不圖仙只圖飽  
鴉鵲窠凋龍爪零白可擷青可捋所思兮何由掇半巖  
斜陽溪影潑

山藥

花白莖紫葉青根可食極美人呼靈諸取之嘿  
則獲稱謂則無得相傳為靈

我取友兮得山藥蝶花開盡鈴子落幾日風吹黃不成  
諸根諸子多少靈猿父上禪子下所思兮安可捨一重



空巖一重野

甘菊

花黃莖紫葉青春苗可食甘香尤宜茶莖青者  
氣微帶澹人號苦意不堪食

我取友兮得甘菊高叢低葉貯清馥石盂燭曠乳花飛  
錯落紛敷間寒綠入顧渚入蒙山所思兮何可捐椿兒  
桂子爭芳鮮

牛蒡

花褐莖如芋殼如栗實如葡萄苗莖皆可食人  
呼牛菜又號鼠黏子

我取友兮得牛蒡稠叢捷鼠走不上深山誰伏又誰牽  
唇齷舌皴膝頭壯實雖惡食不惡所思兮奚可却梧岡  
竹墩隔沙磔

石耳

色面黑背紫柔薄生深巖危壁餘木耳地耳皆珍  
我取友兮得石耳石壁峻嶒下無底非脾非腎非肝腸

馬齒馬牙銜不起耳無是耳無非所思兮何可遺石笋  
石花滋不脂

合葦

色黑為楮葦最珍白葦紫葦各隨樹而生又茭  
葦竹葦梭葦蘆葦類甚多產於卑濕地亦多美

我取友兮得合葦山深樹底風不進彈子團圞敷未敷  
飛猓騰猿母口麈藤花迷荳花肥所思兮馬可違溪山  
撩亂將安歸

槐芽

花黃葉青春芽可食或兔目鼠耳不堪食餘棗  
芽皂芽櫛芽初嫩皆可食

我取友兮得槐芽繚陂灌叢饒襟花纔茁嫩莢抽枯極  
涎流山鵲并山鴉膠著蚕房著蠶所思兮安可芟碧蘚  
冷淘思露寒

焯頭

色褐葉青堅瘦生深山峻壁極辛亦帶微苦稍

傷大烈縷蘆葍雜之皆可食

我取友兮得焯頭猛噫烈香驚伏蚪石羊石蛇齧不得  
彈蟹燕蠶何可偷常風寒常雪寒所思兮奚可堪陰崖  
湧沫號飛湍

山姑

花白莖葉皆青木防風春芽可食餘天門冬芽  
草薺芽芎芎芽地黃芽牛膝芽皆可食又號赤脚

娘

我取友兮得山姑  
春雨春風沙土蘇  
山麓屣綻不皴脚  
祇恐义頭冑花落  
拜頻婆揖菜娘所  
思兮豈可忘苦棟  
風高須索防

兩宋名賢小集卷一百九十八

欽定四庫全書

兩宋名賢小集卷一百九十九

宋 陳思 編

元 陳世隆 補

林泉結契<sub>四</sub>

王質

水友續辭

蓮子



花紅或白房莖葉皆青子外黃中白清脆可食  
老有餘味

我取友兮得蓮子月白風清影斜水煙消露飛香愈茂  
風標宜夜不宜晝蕙青青蒨白白所思兮將焉歇中坻  
阻躋不可越

藕條

花紅白葉青根白而圓長方初生脆嫩堪滋羹  
尤宜咀嚼吳人欲肥根髡葉朔人號光旁希見

之稱

我取友兮得藕條花近可招遠可撩龜魚到底亦不見  
但見紅開迺碧凋風漾漾露溥斯所思兮焉可移光旁  
聊見幽并兒

雞頭

花紫苞莖葉皆青子外綠中白甘韌莖亦美又  
號鴻頭

我取友兮得雞頭漪瀾汪沆不肯流雞棲鴈棲卑不飛

鴈或浮水雞何為溪無魚沙無蟲所思兮安有畢濕沙  
暗蟲聲唧唧

菱角

花黃白子外綠中白四角或兩角紫者皮薄而  
肌厚尤佳又號水栗

我取友兮得菱角碎葉參差水澆瀟重重疊疊庶相儵  
雖見險噶不可捉收簧袋收簧絲所思兮宜相資擦莎  
挨樹秋蟬啼

水粽

花白莖紫苞青子如栗根如粽根莖皆可食春  
採莖秋採根

我取友兮得水粽結花甚輕結根重竹筒揀葉瀟湘餘  
隨風凌亂飄江湖籐籠閒漏撻閒所思兮奚可慳蘆岸  
槿籬門早據

水芽兒

色黃葉青狀如嬰兒可食味如黃精人呼水黃

精

我取友兮得水  
芽荷花為娘  
藕為爺  
不聞兒聲  
聞水聲  
短碛長湫  
鳴奔沙  
霜欲飛  
水欲歸  
所思兮  
不忍欺  
東坡  
南蕩秋風稀

慈菇

花白葉青  
根外黃  
中白  
狀如大蒜  
可食  
葉如車  
前者為山慈菇

我取友兮得慈菇  
秋風纔沒  
藏淺莎  
并州剪刀  
聊藉姑

剪得閒花閒子踈燕搖尾龍掀鬚所思兮可與娛秋波  
索索秋聲孤

水芹

花白根亦白可食葉似芎藭色赤為荻芹又號  
水英

我取友兮得水芹深青淺綠髮鬢勻半沉半浮輕去來  
溪毛石髮相毳毳健魚赤弱魚碧所思兮不勝積踈煙  
澹川淨如拭

水蓴

花黃白子紫莖赤葉柔滑可食為絲蓴色似紫  
菜者為石蓴冬為猪蓴龜蓴古稱茆

我取友兮得水蓴黃黃白白花深深美髯得非龍子孫  
秋風不退香涎痕東魯思東吳思所思兮宜相詒草木  
溪山今是非

兩宋名賢小集卷一百九十九

欽定四庫全書

兩宋名賢小集卷二百

宋 陳思 編

元 陳世隆 補

林泉結契 五

王質

山水友餘辭

漚看蠶



色黑似屈陸兒雄者先如云漣看蠶一百箔絲  
車輾轉雌者次如云作田作掘又來掘初夏多

鳴

一百箔二百箔千百箔遍村落官絹不厭厚私絹不厭  
薄漣看蠶婆看蠶蒲桶荷包共作田晚蠶秋風搖稻髯

鶻嘲

身全褐背足皆黑似畫眉而大罕定蹲且繁鳴

聲焦急又號鶻鶻

鶻不挾鵞不剛各徜徉毋狘猶一愁捲花裂二愁踏花  
折鶻嘲鶻嘲相呼竊脂并博勞同尋念佛婆羅菓

銅觜

身灰褐腹白觜足皆黃雄者腦黑翅微綠正旅  
立忽隻起人以搖時以石蠟粘取之

不銀眉不金翅尋稻梁撇草子啄花蠟觜獐啄粟銅觜  
紫銅觜銅觜春環春嚶好兄弟春喁自飛莫同隊

澆鳴

身全綠腹白間黑細點花背足皆黑

幸蒙寵聊春容有水礦無缺  
筒雪姑擡搥缺巧婦堅正  
翁澆鳴澆鳴尋花尋柳無山無繁陰漸合春糲糊

黃頭兒

身全黃足白或黑腹白夏多鬪秋稍息塵戰至  
死不聲以作聲為負

山鮑老甘受嘲山婆婆借得驕翎子來解腕大頭來間  
交黃頭兒黃頭兒白黃頭兒有老時鴉線靴頭相伴飛

綠毛龜

殼褐背生綠毛如青苔甚小菖蒲盆養之可觀次  
金線次黑文金線亦小黑文皆常品有絕大者

產缺

似太平似開元雖垂老不踰錢只愛綠苔淨弗愛金絲  
鮮綠毛龜綠毛龜三三八八總不知徜徉露蔭風蒲稀

秧雞

身全黑背足皆黑似雞而小聲清微水滿秧生

則多集

望水白鴈來黃隔山拖先拖秧卯子何日圓馬牙何日  
長秧雞秧雞兩濠狹溪成濶溪螺螄蠓子澎澎肥

水滂子

身褐腹白紫銳尾細長似鼠而小依湖岸或湖  
草為窠又號湖鼠一種竹鼠全與湖鼠不類多  
傍竹根為窠

獺最點鼠更點知水情識水脈荷花不禁掐稻花不禁

掇水滂子水滂子鷄濫堆隨江風起自伏秋莎嗜秋水

水划蟲

身褐腹白四足兩鬢浮水唼草泥輕跳極駛人

呼水馬兒

足為擢鬚為橈舴舢子何多勞黑油急旋旋玉掌輕搖  
搖水划蟲水划蟲鷓鷯鷺鴨同從容寬陂緩波無點風

水蛾兒

身灰白頭黑四翅六足如蠶蛾而小掠水啣飛

蚊為食

任霜葉任霜花  
唳飛蚊味亦佳  
浪穩無弩狐  
波平無鈎  
蛇水蛾兒水  
蛾兒石婦  
春風放盡  
絲松根共  
掠蘋花飛

刺椿

花紫如茱萸  
莖褐通體  
皆刺獨樹  
無旁枝梢  
短  
苗從顛生  
如皂莢芽  
可食

喚春呼恨春  
呼莫錯呼  
非茱萸前  
林迎榆郎  
後林接榆  
姑刺椿刺  
椿點禽  
掐腕餘姑  
存土卵  
蕨雞無宿  
根

金櫻子

花白葉青實黃如山梔而多刺夏殼韜滿可食  
深秋尤美冬入藥甚力又號刺梨子

薔薇花搵搗實多缺

津浥浥椰子亦成酒縮砂亦成

蜜金櫻子金櫻子速挽菖蒲出溪水仍招茯苓并遠志

甜藤

莖淡褐葉青味甘僮人加苦芡雜米為團當初  
春時多食過上壘即止又號甘藤



元姓甘不姓丁引清風含常春雞翁呷甘露祁婆揀金  
稜甜藤甜藤粥香餲白度清明一片春山快活聲

苦菜

花黃似野菊葉青如苦苣而小莖淡褐似燈心  
草而大深春莖葉皆可食又號游冬經寒不萎  
然不堪食

王瓜後靡草前茶却苦齋却甘缺母花哆哆龍葵葉團

團苦菜苦菜空山自有閒人愛竹筋木瓢越甜缺

甜糝

花白葉青樹甚壯秋結實殼黑肌白人呼烏圓

子苦者殼褐皆類粟但無刺

花成穗子成毬雅相似終非儔毛粟低坡尾缺粟高岡  
頭甜糝甜糝秋後秋樹倚斜暉苦者擲與看牛兒

蓼米

花紅莖葉皆青多節花謝子結如粟可食晚秋  
人多採又有苾米蘆米葭米草木實間有韞米

者御米甚佳此米不可食

無馬纏無蝦鬚羅裙帶色色無願花變流沙願花變穿  
珠蓼米蓼米秋風易搖入秋水太平中期難屈指

水芋頭

莖葉皆青葉圓而大春深水生則抽莖可食根  
如薑芋外褐中白不堪食

不粵卵不岷鳩雖沉波堪作魁勃薺葉槎牙芥菹苗整  
齊水芋頭水芋頭江湖百年無一愁南灣北灣皆膳羞

萋蒿

莖青近山多赤葉亦青杉冬發土取啖多土氣  
初春抽莖清脆可食盛夏成蒿能辟蚊

皤老白角子烏爾未萌我已敷蘆笋茁戢戢荻笋抽糴  
糴萋蒿萋蒿風枝雨葉老蕭蕭草堂黍民不得驕



兩宋名賢小集卷二百

欽定四庫全書

集部

兩宋名賢小集卷二百二

詳校官中書<sub>臣</sub>孫溶

助教<sub>臣</sub>常循覆勘

總校官編修<sub>臣</sub>王燕緒

校對官助教<sub>臣</sub>汪錫魁

謄錄監生<sub>臣</sub>朱恩

欽定四庫全書

兩宋名賢小集卷二百一

宋 陳思 編

元 陳世隆 補

北山集

程俱字致道衛之開化人以外祖鄧潤甫恩補官坐  
上書論紹述罷歸宣政間進頌賜上舍出身歷官禮  
部郎建炎直秘閣知秀州南渡航海趨行在紹興初

為秘書少監擢中書舍人兼侍講旋除徽猷閣待制  
晚病風痺秦檜薦領史事不至卒年六十七

雜興十首

一日復一日百年如此耳那將千百計來日何窮已逝  
者不可追來者安可知正恐聞道晚勿言功用遲

誤點成駁牛妙技有餘賞作意畫蛇足至今猶撫掌君  
看人間事類此或往往浩歎可奈何悠然起遐想

中夜忽自省昔我今是非音聲故如昨齒長鬚滿頤有



人夢中言子念無乃癡今猶昔人耳昔人安在茲  
濯濯蒼下溜刁刁樹間鳴蟲號百鳥鬧小大各有聲聲  
多不留碍響振元無形何殊百千炬光影各自明  
胡葵向晨照日引一尺長松栽四五年擢幹未出牆溥  
溥露方晞借此顏色芳各留一寸心試待九月霜

春鳩一何拙社燕一何巧天陰逐其婦飲啄聊自了街  
泥亦綢繆記此華厦好物生固有分巧拙均一飽

糝糝新稿桔補此茆屋漏問云力田人歲事苦耘耨終

年手足胼得此以自覆香秔一過眼糠覈餘滿竇

昔年過吳江戀戀不忍去臨江客思盡廓若埽翳霧茲  
為三年留已厭波濤怒乃知常人情趨新方捨故

軋軋田邊車卷卷不得休出一寸痕益以幾尺流扶  
提暴中野強作田間謳車聲真哭聲天遠將誰尤

少小思振竒頗恨身不成身成益多累信與愛俱生回  
思二紀間浪使倏忽爭誰能補黥劓反我孩與嬰

吳縣遊靈巖

春物已如許放舟出橫塘扶橈漾綠漲迨此白日長草  
木有佳色欣欣美浮陽幽禽靜相呼乘和自翻翔春風  
不著人浩浩吹我裳終年思煩促於此興未央捨舟得  
平地陟彼萬仞岡明霞墮山西夜氣鬱已蒼豈無從我  
遊夾道鬚髯張風來得好語落落隨低昂幽堂埽禪榻  
靜對燈燭光身輕浴新出寂境慮欲忘虛窻忽舍曉睡  
起日照梁羣山發春姿秀碧淡以芳晨光晞薄露草樹  
滋幽香徜徉尋昔遊步屨循長廊振衣一長嘯寸目了

八荒上嗟百世基竟坐一笑亡

見劉禹錫詩

當時館娃地今

作選佛場乃知諸夢境適化豈有常飄然咏歸與此適  
頃未嘗重來會有興肯使墮渺茫旁人挽予言借問身  
閒忙吾方有公事子去無相妨

過方子通惟深

白日苦未晚我懷多隱憂憂思劇春浸浩漫不可收出  
門欲有適舉步且復休塵中等膠擾念此將焉投駕言  
城東北閭閻即岩丘是中有幽人厲志凌霜秋寸田荆

棘盡不假斤斧修門無雜車馬一飯乃見留虛堂芝朮  
香下有百尺虬蒼陰匝平地老幹森下樛堂中羅酒漿  
耿耿燈燭幽四天黦無光萬籟肅以擘炯然坐相向更  
僕語益道我身動乖忤夢寐喬松遊常恐在泥滓永為  
天所囚會當從之子濯足萬里流

夜半聞橫管

秋風夜攪浮雲起幽夢歸來渡寒水一聲寒玉靜穿雲  
響振疎林葉空委曲終時引斷腸聲中有千秋萬古情

金谷草生無限思樓邊斜月為誰明

讀神仙傳

騎龍上天入太清繼世而往在我盈握鈴而呼大司命  
主非使者走折脛乃知神仙非智巧積功累行如邠鎬  
專懷邪辟祈長年誰言淮南鷄犬飛上天

鯉魚腹中有隱符白魚腹中有素書鞭靈走石纜一戲  
騎麟上天亦徒爾誰能解衣涿水中使人呼指赤鯁公  
莫作龍眉山頭客三百年來不得直故應未辦作李公

投身百斛旨酒中鼓琴先生有怒色有愛終當為物役  
江都王勿預人事保蟲膏血使誰從汝索

胥門著蔡經市門著梅福我為松江吏與汝相望亦相  
逐高冠長劍衛士從有口底事使蠟封此身況不為陳  
尉就公蠟封三尺喙不能擲米作硃為狡獪

古釣臺歌送阮閱休美成沿檄浙東

餓夫一往西山空攫金脍篋清晝同東方作矣事何若  
玉匣未解羈襦中排肩炙手日卓午暮夜掉臂目送西

飛鴻謂言水壺不受污正似馬耳經東風我思一人去  
我千載乃在澗水之東富春瀨山崎嶇兮矗雲漢溪流  
喧飀白石亂瀨聲盡處萬尋碧蟠蜿蜒兮守斯人之故  
宅旁人指山名釣臺下視九土氛黃埃投竿百牂何足  
道直拂三珠挂瑤草彼一人兮皎獨立清風為神水為  
骨珮瓊蕤兮結明月紉蘅蘭兮以薦枕兮服龍淵之無  
缺羊裘蒙茸溪水旁大勝被袞升明堂劉秀發兵誅不  
道氣壓昆陽纔一掃登牀撫腹坐太息始信赤符非至



寶君房素癡定不癡致位曷足何其危阿諛順旨腰領  
絕安知直言身見殺我昔客新安挂帆七里灘整冠  
拜祠下岩岩千仞層臺巔神遊八極髣髴聆其語但  
覺萬古松風寒滔滔舉世無不可正是喪我非無我嚴  
灘水清山翠微貪廉懦立歸來兮奎蹄絮絰不可以久  
棲

即事戲作四首

老烏作巢一何拙柳條垂絲今禿缺銜枝復墮苦饒舌

欽定四庫全書

兩宋名賢小集  
卷二百一

編條作巢枝錯節老鳥柳好汝弗傷歲鳥待得春葉長  
安巢令汝著哺母密葉更能庇風雨

黃雀黃雀飛相逐相呼門前啄遺粟啄粟飽即休有人  
挾帚埽泥待作粥

鶴唳固有似云何啄泥取蚯蚓蚯蚓食泉曾不惡鱗鱗  
蜿蜒尤不忍何如忍飢向芝田腥涎混爾不得飛上天  
鳥啼未必惡塵去恨不早鵲噪兩耳聾主人亦言好安  
知一喙鳴喜戚自顛倒朝來羣鵲噪不已童稚無知助

我喜羣鵲自與烏爭巢慎勿喜歡真誤爾

和虞長洲遊虎丘

尋壑復經丘人看李郭舟菱花多背日桐葉最知秋  
虎去藜藿盡龍歸蛙黽愁振衣臨石壁未羨習池遊

和友人陳傳道師仲司錄遣興之作

急景去不返宦遊心易闌死生交道絕冷煖世情看  
道俗須多可隨緣亦大難一年還欲盡三界直無安

高郵夜泊書懷寄淮東提舉蔡成甫觀蕪呈鄭使

君弇三首

久客頗自厭長歌胡不歸東書方有適捧檄定馬依塵  
裏音客改山中信息稀十年長漫浪深覺負荷衣

命矣周南滯時哉冀北空居無刮目視動有轉喉窮泛  
宅如蠻蜚淫書伴蠹蟲飄蓬故人念賴有綉衣公

長夏熱欲死迎秋氣已清蚊蠅任來往螟螣尚縱橫行  
止厭人問栖遲直自驚使君高義在解榻見深情

觀王君玉侍郎集有酒胡詩次韻

簿領青州掾風姿麴秀才長煩拍浮手持贈合歡杯屢  
舞回風息傳籌白羽催深慙偃師氏端為破愁來

癸巳除夕誦孟浩然歸終南舊隱詩有感戲效沈

休文八詠體作

說將且不暇干時真自踈深慙叔孫子未辨茂陵書正  
自飢欲死敢言終有餘平生畝畝志本不羨嚴徐

右北闕休上書

故廬今茂草新構羨茆茨久負泉石約空令猿鶴悲一

塵端可共三徑復誰期會結忘年友耕雲茹紫芝

右南山歸敝廬

沃壤有多稼良工無廢才固知時不棄正坐老無媒病  
驥終難駕寒花不易開古來天下士取次沒蒿萊

右不才明主棄

雁足慵難寄鷄栖出厭頻路長時有夢人遠遽如新膠  
漆唯窮士雲泥隔要津囂囂亦何病懶放任天真

右多病故人疏

轉眼過三紀搔頭見二毛先秋同柳弱早白誤山高種  
種從渠落青青竟莫逃形骸姑置此痛飲讀離騷

右白髮催年老

憔悴身仍健崢嶸歲又窮天寒春未應臘盡雪初融萬  
化豈有極一生常轉蓬誰知原不動日月自西東

右青陽逼歲除

膈膊南枝鵲鏗轟半夜鐘遼遼數寒漏唧唧類吟蛩馬  
革思強仕牛衣慕老農此身何處是輾轉聽朝春

右永懷愁不寐

透隙風號屋翻簷雪洒牕遙知迷九澤似欲卷三江引  
睡繡書帙澆愁泥酒缸無因踏松月癡坐對青釭

右松月夜窗虛

避寇村舍

再脫兵戈裏全家走路塵百年同是客萬事不如人幻  
境終歸盡生涯正要貧故人知在否魂斷楚江濱

沙塞松江



三江既入今何有萬化無端去莫留蟹蚌失波枯斥岸  
蛟龍移窟見沙洲水窮范蠡扁舟返海變麻姑兩鬢秋  
通塞正應天數在荷蓑持鋤直堪愁

曉起

霜林一望極空寒曉鼓催人覺夢殘黃霧帶晴江渺渺  
勁風翻影露溥溥香消引篆新添火髮密勝簪漫整冠  
歲拙懶便惟少事興來閒借遠山看

餘杭法喜院荆文公書堂文公康定讀書于此

鍾山太守起從龍，鼓動風雷指顧中。  
未見圖形求傳野，豈知徒步客新豐。  
青鞵曾訪餐芝老，白首惟餘搗藥童。  
藏壁故應留斷簡，至今山鬼動悲風。

送蔣主簿入都赴試

東南貢吏紫髯郎，一馬駸駸客路長。  
袖裏山林洗塵霧，腹中文字了繡綰。  
流年過我長如許，樂事知君正未央。  
行恐飢來驅我去也，遮西日上河梁。

罷吏客郡城已數月，滯留忽已歲。  
暮浩然興歎作

一首

一行作吏向吳城五見媿隅上薄水魏顛三章堪自約  
殷源百尺敢言登擲掄只送人為郡噎媚初非我負丞  
鞅掌栖遲俱害性不知鬚鬢欲侵凌

寒夜遣懷

強醉重雲欲散鹽三更飛霰忽驚簾大呼何與癡人事  
此意多應俗士嫌出戶仰看天漫漫持盃愁作夜厭厭  
消除心事多無處下盡中軍三百籤

人日書懷兼寄吳中二三友

東西南北走紅塵又見江淮草木薰  
小謝篇章成畫餅卧龍功畧付浮雲  
栖遲枳棘今如許嘯傲冰霜賴此君  
俯仰折腰成底事故交千里漫離羣

許主簿見和過有推借再作奉呈

身謀自昔須三窟世味端能敗一薰  
醉裏閒愁濃似酒春來歸思亂于雲  
松栽咫尺傳廬老棗實方將訪許君  
却喜雲孫共來往扁舟時入白鷗羣

用前韻作招許主簿

風騷無復見黃初尚想應劉載後車病骨不知綠底瘦  
愁眉時得為君舒動人春色來隨燕入眼溪流靜見魚  
祇有此中多好句可來茅閣試憑虛

適軒

厭苦常從樂未央不如腰足兩俱忘當飢糲食遺三鼎  
便體綈袍勝五章夜雪扁舟千嶂靜午風高枕一窻涼  
飄然自適非人適肯受轅駒六尺韉

謝江仲舉惠酒

山城無物可忘憂，但有平原病督郵。  
知我囊中無白水，煩君若下出青州。  
芳甘未謝三年醞，傲兀能消萬古愁。  
會待東郊春意動，鳴鞭乘興草堂遊。

次韻張祠部見示

大滌先生不諱貧，鬢髯雖白臉長春。  
三江魚美東曹後，二柳泉甘慧曉鄰。  
懷組歸來無長物，挂冠誰復並清塵。  
自憐出處俱違性，旋結衡茅寄此身。

謝人惠硯

帝鴻墨海世不見近愛端溪青紫硯  
溪流見底寒且清  
光凝淺紺淵之精斧柯千古遺仙局  
雲暗半山含紫玉  
割雲鏡玉巧如神龍尾銅臺可奴僕  
君來自南數千里  
不載珠璣如薏苡芊芊蹊草裏石硯  
文字之祥直送喜  
明窻大几墨花春爐山吐蘭千穗雲  
虛中含默靜相對  
那復草玄驚世人

穹窿墓事回邑有感

生別萬里餘會面終有期死別不轉眸一朝千古非白  
日光在天玄陰閔泉扉盈盈閨中秀土化成枯魃冠笄  
共甘苦謂見素髮垂那知死生變不待桑陰移室有病  
時茵篋有嫁時衣了了眼中事間粧靚容儀垂楊手曾  
折為我當春稀迅流無迴波落英無還枝空房間無迹  
新墳草離離傷心北門道同來不同歸

過劉姓園居

負郭三頃稻並田五畝園人生如此足安用華其軒親



戚居南陌交遊在東村有酒輒共醉傾翰見情言三逕  
雜桃李九畦蒔蘭蓀黃柑百頭奴碧梧萬枝孫山供景  
無盡石映溪不渾桑麻中饋任布刈隣翁論下以活妻  
孥上以奉清溫時從赤松子亦訪吳市門嗟我抱此志  
十年若朝昏家山眇天末松菊豈復存茲園臨官道坐  
笑車馬奔前山復場圃疏築隨坳墩我來適春穠亂眼  
紅青紛恍然動鄉思夢寄東飛雲

題海會寺

萬杉堆青沒山骨雲埋七峰時出沒飛泉拂石瀉哀湍  
下有萬古蛟龍窟頭睡熟呼不起地坼三年蝗蝻出  
千山脈理漬清甘一罇涓涓流石液同遊況與惠詢輩  
納履振衣何勃窣大門當前新築道跨水曲欄歌突兀  
春鳴輶輶趁朝炊水剛懸流機械發堵筇對此自三歎  
抱瓮老人長搨搨却坐幽堂忽浩歌回首已失西山日

望九華

船發大雲倉五十里許顧江南衆山中有數峰奇

爽特異一見即知其為九華問篙人果然因知褚  
季野於廣坐中識孟萬年正應如此作詩一首

卷簾對坐江南山掠眼送青來疊疊雲泉肺腸久厭飫  
拄頰悠然聊復爾竒峰遠澹忽四五爽秀駸駸逼窗几  
平生九華盛名下一見定知真是矣非闕目力觀天興  
正覺羣山如聚米好山如人有高韵不獨江州孟公子  
直緣佳處無仕逕落窳道邊同苦李大是忘年耐久交  
藜杖青鞋結終始

山中對酒

秋容淡青山與秀雨皆足清溪照千仞空翠疑可掬何  
年顧兔窟桂子墮山腹老香散深林屑玉綴黃粟朝來  
客衣動一葉下空谷客心如琴絲日月共煩促胸中尚  
磊塊陶寫賴新綠要當酒千鍾澆我愁萬斛顧有獨醒  
人翛然倚枯木

二月二日富陽城東

一春何許最佳處柳色初勻思殺人風綠雨練不可觸

明綠映空顏色新  
舊雨來時花未齊  
今雨一過花團枝  
明朝試踏城西路  
已復可憐枝上稀

桐廬道中書事

一星熠熠初尚微  
俄傾滿天如灼龜  
溪流黯黯西山黑  
怒芒當空唯太白  
舉頭仰書天漫漫  
飛星縱橫絕河漢  
新月未高不可見  
終夜起坐發三歎

題張太丞明園亭

京華真陸海  
聲利之所闌  
向來山林士  
往往去不還  
濡

足未肯已沒身何足歎張侯翰林客金龜著朝班生平  
用一指談笑起廢殘紛紛多俗子名譽莫敢攀五十未  
云老幡然歸故山歸來謝奔走治此五畝園養樹如養  
生斤斧不浪干醫花如醫疾察標見其源上有十圍木  
翁然午陰寬下有百步荷紅鮮映清瀾爽氣日夕佳西  
山挂簷端安能九衢內髀肉磨韉鞍我今坐竒窮進退  
坎井間違己恨紆轡長飢思抱關當時彭澤令四壁唯  
瓢簞折腰未為辱徑去曾無難而我亦何者栖栖猶強

顏

即事

雲裏瑩淙十九泉  
茅茨深寄白雲邊  
何年斷取仇池鏡  
擲過荆吳萬里天

太湖沿檝西原道即事三首

司空山頭早出雲  
西源渡口十里陰  
烟中雞唱未及午  
白雨作泥泥已深

上崖下谷鳥道中  
前屨後巾魚貫從  
西山路暗光已夕

東山山頭餘日紅

道旁竄盜如汝陽石間電電如呂梁不知身世在何許  
舉頭四山鬱蒼蒼

送崔閑歸廬山

琅琊山中水韻入三尺桐琅然醉翁操發自玉澗翁流  
泉不成音寓寄十二宮醉翁不可見妙語聊形容嘗聞  
三峽泉上與天漢通請君記餘響相彼玉佩風此聲倘  
可繼那復有此公



吾友胡少汲結廬皖公城瀟山有小隱背負紫翠屏前  
臨一溪水可以濯吾纓欲分青山半留我谷口耕信美  
非吾鄉翩然遂宵征聞君草堂處亦復占地靈虛簷倚  
蒼崖下有玉澗鳴樂哉不可到因君懷友生

有美一人

有美一人在昭君藕絲為衣蘭作裙君初顧言淑且真  
直欲載以黃金輪人心變化如浮雲明粧覺暗笑且顰  
何當還之承華茵令君宴寢凝清芬

有美一人在烟汀  
朱顏朝滌玉壺冰  
素手暮理朱絲繩  
語言窈窕丹鳳鳴  
坐持紈扇睇秋螢  
何當還之翡翠屏  
為君把鏡整衿纓

有美一人在南浦  
月明採珠光照渚  
瑤衣被體金索縷  
獨抱幽寒沐烟雨  
何當寘之白玉宇  
為君訝陽春激楚

時鄒志完在昭州曾子開  
在汀州陳瑩中在合浦

賦長興錢圃翁詩

學書要不成學圃苦不早  
向來執戟郎何似於陵老  
我

無拏雲意所念在一飽閉門種蕪菁抱瓮澤枯槁荒畦  
財一席嚙嚼到春草頗聞長城翁八十顏色好城西有  
寬閒終歲常却掃安得五畝園如翁一生了

游善權寺

放舟荆溪上溪水清且徐雲中離墨山慘淡初有無捨  
舟並松麓下直浮屠居竭來東軒上爽氣已有餘飛來  
定何年無乃與此俱奔流漱庭下比竹梁寒渠山深絕  
遠徑物物清以臞靜森倚岩秀天矯懸崖枯幽禽發寒

唳响振高林疎我行亦良苦却步計已迂解衣卧清晝  
慰我千里劬

善權洞

嘗聞包山境中有林屋天旁通號地脈嶽瀆潛鉤連茲  
山豈其類瀕洞昏中穿二岩度山足琤淙激奔泉牛羊  
走大石吐受無窮年金堂下石液雪積如烹煎從來米  
鹽稱浪播俚俗傳一洞改山腹穹窿亦聯綿誰題九斗  
字大篆仍深鐫中藏大五石屹若龍騰淵回頭問主人

我輩定不凡云何逐官牒常得我所耽向來共幽討九  
鎖箴芝岩而我自林屋翩然遊皖瀟洪崖倘可俯不在  
南山南

白馬洞

披榛不知疲詰屈岩下路俄然見深窾偶步入岩戶一  
泓窈而澄百步清以驚人言紫髯仙白馬從此渡磊磊  
盡赤石丹竈遺滓汙收箴已兒啼效適勝麻護因知世  
盲聾荒怪雜疑誤虛空如許大長嘯可平步胡為萬山

底躑躅向烟霧

章僕射山林

王子池臺迹已荒年來華構壓高岡長林不礙千山月  
老幹猶含九夏霜便覺平泉冠東洛還依綠水寄南唐  
蝸廬却喜通幽徑岸幘時來一嘯長

次韻張祠部敏叔遊滄浪蘇子美故園

醉倒春風載酒人蒼然猶恐見長身試尋遺址名空在  
却歎張羅事已陳稍置曲欄穿徑竹別開高閣俯汀蘋

拏舟更欲陪清賞  
要看毫端藻繪春

次韻鄭大夫半隱亭

脫屣歸來稅兩轡  
信知塵世有蕭闕  
幽亭似近郎君谷  
捷徑知非少室山  
歲月優游真得計  
風埃憔悴獨何顏  
園林日涉仍多趣  
坐看雲飛鳥倦還

哦詩夜坐餅罍久  
空無以勞寄吳興  
趙司錄江兵  
曹

詩成不直一杯水  
年大常懷千歲憂  
何須中令能強記

正要將軍為破愁故人久負丘壑志公子欲尋梁宋遊  
相逢倘有葡萄綠肯向西涼博一州

九日馮懷

節物驚心兩鬢華東籬空繞未開花百年將半仕三已  
五畝就荒天一涯豈有白衣來到咏亦從烏帽自歌斜  
真成獨坐空搔首門柳蕭蕭噪暮鴉

次韻葉翰林見寄

雅望清班亦醉翁暫令槐閣曳鈴空更憑他日歸賢守



畫諾何人稱治中便合追鋒來就日已知投牒有成風  
貽詩千里兼金意俎豆長憐斷尾雄

相望千古一涪翁還向江湖四壁空病木自甘桃李後  
野麀難著鳳麟中未成下澤還鄉里且寄窮閭庇雨風  
舉世知音常契濶悲歌沉抑為誰雄

傅國華從使遼東已事還朝拙詩送別

夫君胸次有天遊笑指滄溟寄一漚正使叩舷歌小海  
不妨安席咏洪流翩翩聊試千金學刺刺應慙萬里侯

歸袖飄然望華闕獨留珠玉照遐幽

向來南北歎流年十載相逢走道邊作佛頓慙靈運後

著鞭尤恐祖生先彈冠豈欲誇三組負耒還思受一廛

默計此身端未了別懷撩亂故依然

國華造道益深而  
予蹇淺滋甚故有

天游作  
佛之句

窮居苦雨

漫膚便腹轉踈慵睡足茅簷白過鴻墨客綴令三尺喙

木奴何侶十年功門前羅雀非吾病竈底生蛙不世同

舊雨未乾新雨漲可憐愁絕力田翁

謝張敏叔餉陸子泉

接輿叩木狂歌處猶有清泉出翠微不學癡人供水滂  
肯分餘潤及柴扉七甌已辦煎茶厄三咽能忘啜菽飢  
身寄吳門聲利窟更思水洞濯塵衣

張敏叔得請謝事欽仰高躅謹成口號

富貴紛紛有底難乘時如探索中丸高人不啻雲華見  
晚節誰為趙璧完且喜芝蘭俱發秀不嫌松桂愈清寒

他年側席思耆舊，矍鑠猶能一據鞍。

晚雨菊

異質寧當雜衆芳，故應寒潁度微霜。三山未必分靈樹，九畹何能擅國香。不惜繁英供夕餌，肯持佳色媚朝陽。徑須移奉華堂宴，路草多應媿缺妨。

登富陽觀山亭

橋公宅中木，參天孫郎山。前春燒烟大，橋不向五湖去。  
建康宮深空，歲年

送林德祖致仕東歸

壯而仕老而歸理也士溺於仕故困而知返病  
而能休老而知止者世則猶然貴之若德祖於  
斯三者無一焉然去官如脫屣是乃真可貴矣  
德祖方未仕以學行有盛名四十起家至為部  
刺史所歷皆儒官入糾天府於今為要地年始  
登六十茹蔬飲水神幹儼如也一朝浩然有歸  
志退自府舍不謀於朋友不告於妻子夜半狀

上府晨朝可命下斯亦竒矣予行道南徐過故人  
蘇承祖出許振叔書道德祖挂冠勇決之狀予  
時冒初暑向遠途忽忽煩憤聞之洒然如挹寒  
流而逐清風也而或者疑焉予曰子無異也士  
溺於仕久矣其視爵祿猶飢者之羨膏粱渴者  
之赴水泉寒者之陽而暘者之陰也意若攀垂  
綆而上千仞不可須臾置也今乃有不負通博  
之才居軒冕之會非有宜去之年不得已之事

也然且一朝去之彼以誇競之心計之是豈不  
可駭而疑哉且仕不仕何常之有德祖非為亢  
者也非要利者也徒曰適吾之適以遂吾之性  
而已雖然自砥節勵行之詔屢下所以愧責貪  
競者之辭實深聖主之所望士大夫之恥也今  
觀德祖之去就重輕亦足以振士風矣夫仕者  
畢心力以奉所職處者先廉退以風士類是皆  
有益於時者也德祖豈不賢遠於人矣哉既遇

諸淮陰舟翩然東使人有冥鴻之歎因為詩以  
附諸公之末云

浩浩聲利間靜躁同一區排肩日中市有類逐獸趨中  
朝尺寸地衆睇咸睚眦安知大雲客出與飛雲俱翛然  
棄之去初不計卷舒紛紛軒裳士矐目口為喏茫然更  
歎息不問賢與愚乃知楊少尹未足繼兩疏時當老而  
傳不失仕且居非同會稽史苦誓困簡書不比狂季真  
索身憂病餘者老了無事方當騁亨衢投簪逸湖海沛



若縱壑魚雖無揮金事日者誰公如清風激多士故是  
明時須恨無采詩氏倘有東歸圖

戲題郭慎求所寄書尾

老罷歸來寄一廛交親南北散如烟誦君雪暗天涯句  
離合升沉二十年

題叔問燕文貴雪景

一壑回環十二峯茅茨送老白雲封如今塵裏看圖畫  
却愧當年邴曼容

新作紙屏隆師為作山水筆墨略到而遠意有餘  
戲題此句末句蓋取所謂柴門烏雀噪游子千里  
至也時守秀州屢乞宮觀歸山居未遂

急雨初收山吐雲清溪曲曲抱烟村拋書午枕無人喚  
歸夢真疑鶴噪門

會稽喜得家書

黃耳東來一破顏宜從松竹報平安遙知雲頂峯前住  
霜鬢風篁六月寒

偶作三首

薰風寂寂動林光  
紫翠陰中草木香  
山鳥一聲清晝永  
白雲深處北窻涼

老向甘泉補侍臣  
歸來還作卧雲人  
一重一崦巖烟搗  
三沐三薰屏世塵

誰遣生駒玉作鞍  
春來苜蓿徧春山  
自知不入黃麾仗  
振鬣長鳴出帝關

神魚泓是日與諸公  
流杯水中如西丘故事

柳州固竒士戲好亦幽絕遠懷西丘飲千古清興發倘  
徉恨無所盤桓對羈紲聊為五里行邂逅一壺挈神魚  
伏山根渟湛初一穴侵侵決寒溜沙石助清越披莎得  
盤石離坐若天設實觴競乘流眩轉亦飄瞥爭持或三  
醕遇坎時一蹶歡來朱碧亂笑罷巾帽脫相望西丘游  
詎易議優劣

張公洞

昔年京江夜飛夢投雲山仍追謫仙老嘯咏層崖顛左

盼俯無地蒼巖生紫烟當時賦幽賞妙境竟莫宣今我  
來自東扶杖漾荆川飽聞張公洞怪絕駭所傳聊從二  
三子一結青山緣北靈敞竒觀下矚壺中天恍然驚昨  
夢了了墮我前仄徑繚危棧重局護靈淵竒礪或岷倚  
側洞時鈎穿初疑天台聚納此一室間夸娥運神化不  
隘亦不顛又疑清都客翩然下雲輶幢旒儼行立導從  
森蟬聯丹梯香霧温玉室珠璣懸撐虛一柱屹戴重三  
能騫鉛竈久已冷青驪那可鞭香壇望八景東晨開五

便坡陀忽度險宛轉漫無邊或深如列屐或迤纒容肩  
高躋乍捫頂偶步欲墊泉不知行遠近一步九目遷噫  
嘻此天設端在太古先恨無少陵手寫之黃絹篇聊書  
夢中夢投筆一粲然

借居毘陵東門四首

客去不能寐翛然清夜闌樓居俯長川仰視天宇寬長  
川濯雲漢錯落星宿寒青燈故可親且還對塵編其人  
骨已朽千載與我言掩卷三太息虛簷清露溥

急景不可挽吾生豈無涯吳中十年舊鬚鬢亦已華嗟  
我壯且老方知失林鴉欲歸巷無廬欲駕途無車而子  
亦羈滯心事如蓬麻人生無巧拙命定將如何

猗猗隔河樹羅羅緣堦草時當長養候顏色豈不好萌  
芒忽柯葉茂大旋枯槁滔滔不自知但見壯而老人生  
亦草木萬化迭侵擾朱顏日夜變素抱豈自保

借居臨官道堂陰俯長河前車接來軫後棹紛相擘我  
獨居其間超然嘯而歌頗從故人語安用高軒過旁有

五畝園不知主誰何時能曳履往豈異吾山阿

和柳子厚讀書

事賤反多暇居卑適無虞人間不爭地聊此謝畏途豈  
無營營子熟視付一吁塵中亦何有坐聽日月逾展卷  
閱千古置書忘萬殊不妨權子母亦復商有無平生僅  
識字乃與憂患俱持此遊學海層臺漸積蘇年來但遮  
眼頗覺心恬愉囊錢足自飽肯怖駟朱儒起卧一榻間  
兀如檠株拘涼風北窻下不減愚溪愚誰能三萬卷懸



頭苦劬小極正當寐睡魔不須驅

兩宋名賢小集卷二百一